

يا سيد الخلاق



نشر سمو الشيخ حمدان بن محمد بن راشد آل مكتوم ولي عهد دبي هذه القصيدة على صفحته على «إنستغرام» قائلاً

سكّر وكلم بعد خمسة دقائق
أنا مزاجي من زماني تعكّر
ما ودي أكلمك والبال ضايق
والآ ترى ما ودي أنك تسكّر
وأرجوك لا تزعل يا سيد الخلاق
لا تحسب أنني من غلاك آتنكّر
يالفايق بحسبك على كل فايق
يا مجيّر بالفكر وصف المفكّر
غلاك يجذبني بكل الطرايق
وصلك عسل ما خالطه أي سكّر

حديثك الطف من نسيم الحدايق
يوم انبعث من بعد وسمي مبكر
قال الله يسامحك ما فيه عايق
بيني وبينك فكر شوي، فكر
صوتي يخلي ضايق البال رايق
نسيت؟ والا ما تريد اذكرك؟

"حقوق النشر محفوظة" لصحيفة الخليج. © 2026